

Siunnersuummut nassuiaatit

Nassuiaatit nalinginnaasut

1. Aallaqqaasiut

Imigassaq pillugu inatsimmik 2019-imi allannguisoqarmat inatsisip maannakkutut isikkoqarluni qanoq ingerlanneqarnera pillugu misilittagaqarfigineqalerpoq, aalajangersakkanilu ataasiakkaani allannguilaartoqartariaqartoq paasinarsivoq.

Aalajangersakkami § 26-imiittumi ulluinnarni aqaguani freerfiusussani ammasarfiit aalajangersakkami qanoq paasineqassanersut nalornisitsilersimapput. Taamaammat tamanna erseqqissaaviginiarlugu tassunga aalajangersakkamik erseqqissaasoq siunnersuut saqqummiunneqarpoq.

Aamma tuniniaanermi aamma sassaalliinermi kimittussuseq 4,10 tikillugu nalimmassarneqarnissaa siunnersuutigineqarpoq, taamaalilluni pigisaqartoq pilsnerinik il.il. assigiinngitsunik sassaalliinissamik amerlanernik periarfissinneqarluni.

Covid-19-imik nappaalanermi misilittakkat tunngavigalugit maluginiarneqarpoq imigassanik aalakoornartortalinnik tuniniaanerup aamma sassaalliinerup matugallarnissaa tuniluunnerup nunatsinni killilersimaarniarnerani periusissiamut ilaatinnissaa naapertuuttusoq. Naalackersuisut taamaammat aalajangersakkamik siunnersuuteqarput, taamaalillutik nappaammik tuniluuqtoqarneranut atatillugu imigassanik aalakoornartortalinnik tuniniaanernik aamma sassaalliinernik Naalackersuisut killiliisinnaalerlutik matusisinnaalerlutillu.

2. Siunnersuummi immikkoortut pingaarnertit

2.1 Imigassanik aalakoornartortalinnik tuniniaanissamut aamma sassaalliinissamullu akuersissut 4,10 volumenprocentinit 5,09 volumenprocentinut allanngorlugu qaffanneqarpoq.

2.2 Imigassanik aalakoornartortalinnik sassaalliinermi ulluinnarni (ulluinnarni) aqaguani freerfiusussani ammasarfiit erseqqissarneri. Taamatut nalimmassaanermi inatsisitigut pisinnaatitaaffiit atuuttut allanngortinngilaat.

2.3 Piginnaatitsissut, tassa Naalackersuisut imigassanik aalakoornartortalinnik tuniniaanermik aamma sassaalliinermik killilersuinissamik malittarisassiorsinnaanerit, matumanilu inuiaqatigiit nappaatinut tunillaassuutiasunut illersorniarlugit piffissami aalajangersimasumi inerteqquteqarallarsinnaaneq ilanngullugu.

2.4 Pineqaatissiinernut tunngasunik aalajangersakkani periarfissiisoqarpoq imigassanik aalakoornartortalinnik unioqutitsilluni tuniniaasimanermi aamma sassaalliisimanermi kiisalu akuersissummik pigisaqartoq ingerlatsisorluunniit imigassanik aalakoornartortalinnik

nioqutissioortumiit imaluunniit tuniniaasumiit unioqutitsilluni tunissutisisimanerani il.il. akiliisitsinermut atatillugu arsaarinnittoqalersinnaalluni.

Taassuma saniatigut inatsisip oqaasertaani allannguisoqarpoq.

3. Pisortanut aningaasaqarnikkut allaffissornikkullu kingunissai

Imigassanik aalakoornartortalinnik tuniniaanermik aamma sassaalliinermik sivisunerusumik matusigallarnermut atatillugu Nunatta karsianut isertitat akitsuutineersut appariassapput. Tassungalu atatillugu peqqinnissaqarfimmi sulisut suliassaat ikilissallutik. Imigassanik aalakoornartortalinnik tuniniaanermik aamma sassaalliinermik sivikinnerusumik matusigallarnermi Nunatta Karsianut malunnartumik aningaasatigut sunniuteqartoqassanngilaq.

4. Inuussutissarsiortunut aningaasarsiornikkut allaffissornikkullu kingunissai

Imigassanik aalakoornartortalinnik tuniniaanermik aamma sassaalliinermik matusigallarnermut atatillugu niuertarfiit neriniartarfiillu il.il. kaaviiartitaminni appariarnermik misigisaqarsinnaapput.

5. Avatangiisinut, pinngortitamut inuillu peqqissusaannut kingunissai

Siunnersuutip pisuni nalinginnaasuni avatangiisinut, pinngortitamut innuttaasullu peqqissusaannut kinguneqarnissaa naatsorsuutigineqanngilaq. Nappaatip tuniluutiasup siaruaannissaa killeqartinniarlugu imigassanik aalakoornartortalinnik tunisinermik matusigallartoqassappat taamatut suliniuteqarneq innuttaasut peqqissusaannik illersuiniarnermut iluaqutaassaaq.

6. Innuttaasunut kingunerisassat

Imigassanik aalakoornartortalinnik tuniniaanermik aamma sassaalliinermik matusigallarnermut atatillugu innuttaasut imigassanik aalakoornartortalinnik sassaallerfigineqarsinnaanatillu pisisinnaassanngillat.

7. Siunnersuutip kingunerisinnaasai pingaarnerit allat

Siunnersuut annertunerusunik kinguneqassasoq naatsorsuutigineqanngilaq.

8. Oqartussanik kattuffinnillu il.il. tusarniaaneq.

Siunnersuut ulloq 12. oktober 2021-mi www.naalackersuisut.gl-imi tusarniaanernut iserfissiaq aqputigalugu, akissuteqarnissamut 9. november 2021-mut killilerlugu tamanut ammasumik saqqummiunneqarpoq. Tusarniaanermut akissutigineqartut oqaaseqaatinik ilaqartut oqaatsit atorneqartut allanngortinnagit oqaatigeqqinneqarput, siunnersuummullu ilanngussami 2-imi pisariaqartitsineq naapertorlugu oqaaseqarfigineqarlutik. Tusarniaanermut akissutigineqartunut oqaaseqaatit uingasumik allassimapput.

Siunnersuummi aalajangersakkanut ataasiakkaanut nassuiaatit

§ 1-imut

Nr. 1-imut 2-mullu

Ullumikkut immiaaqqat amerlanerusut 4,10-nit qaffasinnerusumit procenteqarput. Taamaammat ineriartornermut tassunga aalajangersagaq nalimmassarneqarpoq, taamaalilluni imigassanik aalakoornartortalinnik 4,10 tikillugit kimittussusilinnik niuernissamut akuersissummik piginnittoq immiaaqqanik il.il. assignngitsunik amerlassusilinnik pisisartunut 5,09 tikillugit kimittussusilinnik nioqquteqarnissaminut qinnuteqarsinnaalissaaq.

Nr. 3-mut

Aalajangersagaq atuuttusoq nalornisoortitsilerpoq. Taamaammat tassunga tunngasumik aalajangersakkamik erseqqissaassutaasumik siunnersuuteqarpoq, tassanilu erseqqinnerusumik allaqqalluni aalajangersagaq taamaallaat nal. 04:00 tungaanut ammatitsisoqarsinnaasoq ulluinnaappat (ulluinnaat) aqaguani nalliuttumik malitseqarpat.

Ullut tulleriit freerfiusut nalliuttulluunniit tullerippata taamaalillutik freerfinni nalliuttuniluunniit ammasarnermik sivitsuinngillat, taamaallaalli ulluinnarni (ulluinnarni) nalliuttuni tulluuttuni.

Nr. 4-mut

§ 41 a-mi aalajangersakkami nutaami nappaatinik tuniluutiasunik siaruaattoqarneranut atatillugu tuniniaanermik aamma sassaalliinermik killilersuigallarnissamut imaluunniit inerteqquteqarallarsinnaanermut Naalakkersuisut piginnaatinneqarput.

Tunngavigineqarpoq inuiaqatigiit nappaammut illersornissaat pisariaqalerpat aatsaat Naalakkersuisut aalajangersagaq atorsinnaagaat.

Aamma tunngavigineqarpoq killilersuinerit inerteqqutilluunniit tassani siunertap angunissaanut pisariaqartoq qaangerlugu ingerlatiinnarneqassanngimmata.

Nr. 5-imut

§ 43-miippoq inatsimmi aalajangersakkanik unioqputitsisoqarnerani pineqaatitsissutissat allanneqarneri.

§ 43 tassaavoq siusinnerusukku § 43-usumik ingerlateqqitaq.

§ 43-mi nutaami siusinnerusukku § 43 assigalugu Inatsisartut inatsisaanni aalajangersakkanik arlalinnik unioqputitsinernut akiliisitsisoqarsinnaavoq.

Nutaatut arsaarinnissinnaaneq annertusineqarpoq, taamaalilluni Inatsisartut inatsisaannik akerliusumik imigassanik aalakoornartortalinnik tuniniaanermi sassaalliinermilu akuerisaanngitsumik iluanaaruteqarnermi aamma arsaarinnittoqarsinnaalluni.

Taassuma saniatigut pineqaatissiinissamut aalajangersakkami oqaasertaanik allannguisoqarpoq.

Imm. 1-imut

Aalajangersakkami akiliisitsinermik kinguneqartitsisinnaasut aalajangersakkat allanneqarput.

Imm. 2-mut

Pineqaatissiineq pillugu aalajangersakkani imigassanik aalakoornartortalinnik unioqutitsilluni tuniniaanermi aamma sassaalliinermi akiliisitsinermut atatillugu arsaarinnittoqarsinnaavoq.

Aalajangersakkakut Inatsisartut inatsisaannut akerliusumik imigassanik aalakoornartortalinnik tuniniaasoqarsimappat imaluunniit sassaalliisoqarsimappat ilaatigut iluanaarutinik arsaarinnittoqarsinnaalerpoq.

Sassaalliisarfiit annitassanik imigassanik aalakoornartortalinnik tuniseqqusaanngilat, soorlu aamma umiarsuit umiarsualivimmiittut umiarsuarmi ilaasunit allaanerusunut imigassanik aalakoornartortalinnik tuniseqqusaanatillu sassaalliisinnaangitsut.

Taamatut tunisinermi sassaalliinermiillu iluanaarutit arsaarinnissutaassapput.

Aammattaaq assersuutigalugu imigassanik aalakoornartortalinnik unioqutitsisumik tuniniaanermut aamma sassaalliinermut atorneqartumi automatimi arsaarinnittoqarsinnaassaaq.

Kiisalu angerlarsimaffinni imigassanik aalakoornartortalinnik immiornerit arsaarinnissutaasinnaaneranngit tunngavik aalajangiussimaneqarluni, soorlu aamma angerlarsimaffinni imigassanik aalakoornartortalinnik immiornermi atorneqartut atortut arsaarinnissutaasinnaallutik.

Imm. 3-mut

Inatsisartut inatsisaat malillugu malitassani atulersinneqartuni aalajangersarneqarsinnaavoq najoqqutassani aalajangersakkanik unioqutitsinerit akiliisitaanermik arsaarinninnermillu pineqaatissiissutaasinnaasut.

Imm. 4-mut

Inatsisitigut pisinnaatitaasut pisussaataasullu pillaammik akiliisussanngortinneqarsinnaanerannik aalajangersagaq tunngavissiivoq. Aammattaaq inatsisitigut pisinnaatitaasut pisussaataasullu akiliisitsinermut atatillugu arsaarinniffiusinnaapput.

Imm. 5-imut

Inatsisartut inatsisaat manna naapertorlugu kinguneqartitsilluni akiliisitsinermiit aamma arsaarinnissutigineqartut Nunatta Karsianut ingerlatinneqassapput.

§ 2-mut

Aalajangersakkami Inatsisartut inatsisaata piffissap atuutilerfissaa allanneqarpoq.

Inatsisissatut siunnersuut inatsimmut atuuttumut sanilliullugu	
<i>Oqaasertaliussat atuuttut</i>	<i>Inatsisissatut siunnersuut</i>
	§ 1
	Imigassaq pillugu Inatsisartut inatsisaanni nr. 35, 23. november 2017-imeersumi, Inatsisartut inatsisaatigut nr. 9, 12. juni 2019-imi allanngortinneqartumi, tulliuuttut allannguutigitinneqarput:
§ 9, imm. 1, nr. 3. 3) 4,10 % tikillugit tuniniaaneq: Imigassanik aalakoornartortalinnik 4,10 volumenprocent angullugu aalakoornartumik akoqartunik taamaallaat tuniniaasinnaanermut akuersissut.	1. § 9, imm. 1, nr. 3, ima oqaasertalerneqassaaq: ”3) 5,09 % tikillugit tuniniaaneq: Imigassanik aalakoornartortalinnik 5,09 volumenprocent angullugu aalakoornartumik akoqartunik taamaallaat tuniniaasinnaanermut akuersissut.”
§ 10, stk. 1, nr. 3. 3) 4,10 % tikillugit sassaalliineq: Imigassanik aalakoornartortalinnik sassaalliisinnaanermut akuersissut, tamatumani imigassap sassaalliutigineqartup ataatsip 4,10 volumenprocent qaangerlugu kimitussuseqaqqusaanngilaq	2. § 10, imm. 1, nr. 3, ima oqaasertalerneqassaaq: ”3) 5,09 % tikillugit sassaalliineq: Imigassanik aalakoornartortalinnik sassaalliisinnaanermut akuersissut, tamatumani imigassap sassaalliutigineqartup ataaseq 5,09 volumenprocent qaangerlugu kimitussuseqaqqusaanngilaq.”
§ 26, imm. 1, nr. 4 4) Unnuakkut ullut freerfiusussanut nal.12.00-04.00. Ullut freerfiusut paasineqarput nalliuttut, tak. § 2, imm. 7.	3. § 26, imm. 1, nr. 4, ima oqaasertalerneqassaaq: ”4) Ulluinnarnit ullut freerfiusussanut atasuni nal.12.00-04.00. Ullut freerfiit paasineqarput nalliuttut, tak. § 2, imm. 7.”
	4. § 41 kingorna ikkunneqarpoq: " § 41 a. Nappaatit tunillaassortut akiorniarlugit iliuitsit pillugit Inatsisartut peqqussutaanni eqqaaneqartut inuiaqatigiit nappaammut illersorneqarnissaasa pisariaqalernerata malitsigisaanik nunamut tamarmut ilaannaanulluunniit piffissamut aalajangersimasumut imigassanik

	<p>aalakoornartortalinnik tuniniaanermut sassaalliinermullu killilersuineq utaqqiisaasumilluunniit inerteqquteqarneq pillugu malittarisassanik Naalakkersuisut aalajangersaasinnaapput."</p>
<p>Makkunanga unioqutitsineri § 3, imm. 1, § 7, imm. 1, § 8, § 11, imm. 1, § 15, imm. 1, § 16, § 17, § 18, § 19, imm. 1 aamma 2, § 20, § 21, § 22, § 23, § 24, § 25, § § 26, imm. 1, 2, 3 aamma 4, § 29, § 30, § 31, stk. 1 aamma 2, § 34, kiisalu § 37-mik unioqutitsineq akiliisitsissutigineqassaaq. Aamma § 32 naapertorlugu inerteqqummik unioqutitsineq kiisalu § 35, imm. 1, aamma § 36, imm. 1 naapertorlugu peqqussummik malinninnginnermi akiliisitsisoqassaaq.</p> <p><i>Imm. 2.</i> Inatsisartut inatsisaat naapertorlugu najoqqutassanik atulersitsineri najoqqutassami aalajangersakkanik unioqutitsineq akiliisitsinermik pineqaatissiissutaasinnaanera aalajangersarneqarsinnaavoq.</p> <p><i>Imm. 3.</i> Imigassat aalakoornartortalit angerlarsimaffinni immiukkat aamma atortussat aalakoornartortalinnik angerlarsimaffinni imigassaliornissamut nalinginnaasumik atorneqarsinnaasut, § 30 malillugu arsaarinnissutigineqarsinnaapput.</p> <p><i>Imm. 4.</i> Inatsisartut inatsisaat imaluunniit Inatsisartut inatsisaat naapertorlugu najoqqutassanik atulersitsineq akiliisitsinissamik aalajangiinissamut tunngavissiisimappat Kalaallit Nunaanni pinerluttulerineri inatsimmi malittarisassat malillugit inatsisitigut pisinnaatitaasumut pisussaataasumullu akiliisitsisoqarsinnaavoq. Aamma pillaammik akiliisitsineq inatsisitigut pisinnaatitaasoq pisussaataasorlu pillaammik akiligassamik</p>	<p>5. § 43 ima oqaasertalerneqassaaq: " § 43. pinerluttulerineq pillugu inatsimmi malittarisassat naapertorlugit akiliisitsinikkut pineqaatissiisoqarsinnaavoq: 1) Inatsisartut inatsisaanni § 3, imm. 1, § 7, imm. 1, § 8, § 11, imm. 1, § 15, imm. 1, §§ 16 - 18, § 19, § 1 imm. 2, §§ 20 - 25, § 26, imm. 1 - 4, § 29, § 30, §§ 31, imm. 1 aamma 2, § 34 aamma § 37-mik unioqutitsisoqarpat. 2) § 32 naapertorlugu inerteqqutinik malinninngitsunut. 3) § 35, imm. 1, aamma § 36, imm. 1 naapertorlugit peqqussutaasunik malinninngitsunut.</p> <p><i>Imm. 2.</i> Aalajangersakkanik ukuninnga unioqutitsineri aamma arsaarinnittoqarsinnaavoq: § 3, imm. 1, § 11, § 19, imm. 1, § 20, § 22, imm. 1, § 23, § 25, § 26, imm. 1 - 4, § 29 aamma § 30.</p> <p><i>Imm. 3.</i> Najoqqutassani Inatsisartut inatsisaat naapertorlugu atulersinneqartuni najoqqutassani aalajangersakkanik unioqutitsinerit akiliisitaanermik arsaarinninnermilluunniit pineqaatissiissutaasinnaaneri aalajangersarneqarsinnaapput.</p> <p><i>Stk. 4.</i> Pinerluttulerineri inatsimmi kapitali 5-imi malittarisassat naapertorlugir ingerlatseqatigiiffiit il.il. (inatsisitigut pisinnaatitaasut pisussaataasullu) pinerluttulerineri inatsisitigut akisussaatinneqarsinnaapput. Ingerlatseqatigiiffiit il.il. (inatsisitigut pisinnaatitaasut pisussaataasullu) aamma</p>

<p>akiliisussangortinneqarsinnaavoq Kalaallit Nunaanni pinerluttulerinermi Inatsimmi malittarisassat naapertorlugit.</p> <p><i>Imm. 5. Imm. 1-4 naapertorlugu akiliisitsissutit arsaarinninerilluunniit Nunatta Karsianut nakkartinneqartassapput."</i></p>	<p>akiliinermik pineqaatissiinermut atatillugu arsaarinninnermik pineqaatissinnaapput.</p> <p><i>Imm. 5. Imm. 1-4 naapertorlugu akiliisitsissutit arsaarinnissutilluunniit Nunatta Karsianut nakkartinneqartassapput."</i></p>
	<p style="text-align: center;">§ 2</p> <p>Inatsisartut inatsisaat ulloq 1. juli 2022 atuutilissaaq.</p>

Ilanngussaq 2

Siunnersuut piffissami 12. oktober 2021-mit 9. novembarip 2021 ilanngullugu ukununnga pisortatigoortumik tusarniaassutigineqarsimavoq:

Kommuneqarfik Sermersooq, Kommune Kujalleq, Qeqqata Kommunia, Kommune Qeqertalik, Avannaata Kommunia, Imigassaq Ikiaroorartorlu pillugit Siunnersuisoqatigiit, Nakorsaaneqarfik, Nunatta Eqqartuussisuuneqarfia, Kalaallit Nunaanni Eqqartuussivik, Naalagaaffiup Kalaallit Nunaanni Ombudsmandia, Sulisitsisut, KNI, Pisiffik, Brugseni, Kalaallit Nunaanni Politimesteri.

Taakku saniatigut siunnersuut Naalakkersuisut tusarniaassutigisaminnut nittartagaanni piffissami tassani pissarsiarineqarsinnaasimavoq.

Tusarniaanermi akissutit tallimat tiguneqarput, taakkunanga uku oqaaseqaateqarsimanatik:

Kalaallit Nunaanni Politimesteri

Kalaallit Nunaanni Politiit imigassaq pillugu Inatsisartut inatsisaata allanngortinnera pillugu inatsisissatut siunnersuummut oqaaseqaatini matumuuna nassiuppai.

Inatsisissatut siunnersuummi § 43-mi takuneqarsinnaavoq, tassaasoq inatsimmi pineqaatissiinernut aalajangersagaq, unioqqutitsinermi akiliisitsinermik kinguneqarsinnaasut aalajangersakkat imm. 1-imi allatorneqassasut.

Nalilinnik arsaarinninnissamut periarfissaqarnissaq kissaatigineqarpat Kalaallit Nunaanni Politiinit siunnersuutigineqassaaq inatsisissatut missingiummi § 43, imm. 2 peerneqassasoq, taarsiullugulu § 43, imm. 1-imi akiliisitsinissamut arsaarinninnissamullu periarfissiisoqarluni imatut oqaasertalerneqarsinnaasoq " Kalaallit Nunaanni pinerluttulerineq pillugu inatsimmi malittarisassat naapertorlugit akiliisitsinikkut aamma arsaarinninnikkut pineqaatissiisoqarsinnaavoq [...] ”

Tamanna pillugu nassuiaatit naapertorlugit inatsisissatut siunnersuummi naleqquttunik iluarsiiisoqarsimavoq.